

مجله مطهره

مجله مطهره و اداره :

جغسال اوغلانده امنیت
 صندوقی حوارینده
 شنکول یقوشنده
 ۲۲ نوسرو

امطار :

مسلمکمز موافق آثار
 جدید مع الممنونیه
 قبول اولنور
 درج ایدله یین آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه در بحث ابر و خلاصه در نشر اولنور .

آبونه بدلی

صاحب و مؤسسلری :

ابوالعلاؤ زین العابدین - ح . اشرف ادیب
 تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قبرله دن مقوا بورو ایله کوندربیلر سه سنوی
 ۲۰ غروش فضله آلنیر

سنه لکی	التی آیلانی	غروش
۶۵	۳۵	۳۵
۶۵	۳۵	روبله
۱۷	۹	فرانق

عدد : ۱۲۶

۲ صفر پنجشنبه ۲۰ کانون ثانی ۳۲۶

بشنجی جلد

قلب ملتی جریحه دار ایده جک بر حال تحمل فرسایه وارم شد. دول
اربعه حامیه نك تعهدات و تأمینات مکرر سینه رعماً جزیره ده بولنان اوتوز
بیکی متجاوز زوالی اهالی مسلمه بوکون بالفعل هر در لو حمایه و صحابتدن
و کافه حقوقدن محروم اوله رق هر دقیقه موتک تهدیدی آلتده غایت
ایلم بر حییات امرار ایتمکده در . قتل نفوس و نهب و غارت و اماکن
مقدسه و مقابر و مخدراته تعرض کبی فضایح و جنایاتک هر کون بر
صورتله تشدید شاعت ایلمسی اوراده کی بیچار کانت فی الحال جناب
ذوالجلال دن غیری بر خلاصکارلری قائم دینغه دلالت ایدیور . محضاً
عثمانلیلک کریده بقای شان و شرفی و تشدید آثار فعلیه سی ایچون
هر در لو ظلم و تضییقه قارشو بونجه سندن برو مجاهدانه ثبات ایدرک
وطنک حقیقی اولادی اولدینگی اثبات ایلمش اولمقدن بشقه زداغیارد
بیله بر قباحتی اولیان عنصر اسلامک بویله مهلکه کرده بر اقل مسنه ملت
نجیه مزک قطعاً راضی اولدینگی معلوم داور افرخمیلریدر . اه عشقنه اولسون
اویچاره قرداشلریمزک عموم ملت عثمانیه جه محترم اولان جان و عرض
ومالترینک جدی و فعلی بر صورتده تحت تأمینه انسی اسباب عاجله سینه
کمال اهمیتله توسل بیورمکزی بحسب الوکاله نیاز واسترحام ایلم فرمان.

کرید رسمو اهالی مسلمه سی

وکیل عمومیه سی دعوی وکیل

احمد ساقی

اسیای وسطی فلاکتزدگانی

۴ - ه کانون ثانیه وقوعه کلن زلزله لری ، روسیه دن کلن
غز نه لر مدھش بر صورتده تصویر ایلمکده درلر . زلزله نك شدتده
معروض قالان پرژیوالسکی شهری صوڪ زلزله ده خارجه ارتعاشات
و علاقسی بوسبتون منقطع اوله رق اطرافی درین خندقلر ، وادیلر
اولمشدر . هیچ بر طرفدن شهره دخول ایچون یول قالمامشدر .
برچوق یرلر مظلّم حفره لر حائله منقلب اولمشدر . یرلر یارلدینگی وقت
مدھش صدالر طنین انداز اولمش ، صولر ، طاشلر جو هواده ایچه
یوکلشمشدر .

بیکلرجه اهالی شوشدت شتاده کنیش ، واسع قیرلرده ، صحرا
لرده چادرلر آلتنده امرار حیات ایتمکده درلر . اهالی بی دهشت و
فلاکت صوڪ درجه ده استیلا ایتمشدر . روسیه حکومتی فلاکتزدلره
معاونت ایتک اوزره فداکارلقلر اختیار ایتکده اولدینگی حالده اهالینک
دهشت و سفلاتی بر درلو ازاله ایدیله میور .

(صلیب احمر) جمعیتی اون بش بیک روبله ، اعانه ده

بولمشدر .

ایکیده بر اوچیوز ملیون اسلامدن آغز طولوسیه بحث ایدن
دارالخلافه مسلمانلری ، فلاکتدیده قارداشلری حقنده کی حسیات
قلیه لرینی آکلاسونلر ! بتون روسیه جمع اعانات ایله چالقانوب طور دینگی

حاله مرکز خلافتده اونودولوب کستدی بیله . بویله عظیم بر فلاکت
قارشوسنده دارالخلافه ده چیقان کونده لک غز قارلرینک بو
قدر لاقید قالملری ، هم عرق و دینداشلق شویله اون ، انسانیت
نقطه نظرندن بیله شایان مؤاخذه در . باری ولایتده کی غ اعانه دفترلری
آچهرق ارباب حمیتی تشویق ایتسونلر .

بوفلاکتزده قارداشلر منمنفعتده بر قوتفه رانس ویرمک ایسته دیکمزی
کچن هفته یازمشدق . بو قوتفرانسک استفاده لی منظم وجدی اولمسنه
غیرت ایدیلیور . پروغرام قسماً تحت قراره آلتندی . کله جک هفته
بتون تفصیلاتیله اعلان اولنه جقدر .

صراط مستقیمک نسخه فوق العاده سی ده اوکیجه یه یتیشدیرلمسی
مقرر اولدینندن اهدای آثار بیوره جق ذوات کرام بر هفته یه قدر
بازدقلرینی اداره خانه مزه کوندرملری رجا اولنور .

خلیل خالد ، کامل وادهم نژاد بکلردن ده نسخه فوق العاده
مخصوص بر اثر ارسال بیورملری تمنی اولنور .

اسیای وسطی فلاکتزده کانی ایچون تبه دللی زاده کامل بک طرفندن
بر لبرای عثمانی ایله کپیلری عثمان توفیق افندی طرفندن بر مجیدیه
کوندرملک صورتیله ابراز حمیت اولمشدر .

کریده مظالم

آتنه خابر مخصوصندن «روم ایلی» رفیقزده وارد اولان تلغرافنامه در .
«حانیهدن بوکون وارد اولان بر تلغرافنامه ده قصیه مذکورده ده
غلیانه کتیریلن و هوای اختلال ایله سرمست اولان خر-قیانلر طرفندن
ینه بر اسلامک قتله تشبث ایدلمشدر . زوالی مظلوم بیک مشکلاتله
اولمکدن قوریتیه بیلمش ایسه ده تهلکه لی صورتده مجروحدر . رسمو
جنایتی ایچون اولجه وقوع بولان اشماتمه دائر تفصیلات جدیده آلدیم .
اورادددرت مسلماندن بری قادین اولمق اوزره ایکینسی شهیددوشمش ،
ایکینسی ده آغیر بر صورتده و مختلف یرلرندن یارالانمشدر .

کریدکمی ، یونانکمی حامیسی اولدقلری بر درلو آکلاشیه میان
دول معظمه جزیره احوالنه نظر دقله باقوب تدابیر جدیده اجراسنه
مسارعت ایتزلرسه بو جنایاتک دهامدھش بر صورتده توالی ایده چکنه
شبهه یوقدر . مع مافیه ، کرید اوزرنده تکون ایدن هر حادثه خونین
بر عثمانلیلره قانلی بر دررس عبرت اولمایدر . اول و آخر جزیره اوزرنده کی
حقوق مقدسه حاکمیتزله مظلوم اسلام قرداشلر مزک محافظه و حمایه سی
بزه مترتبدر .

«روم ایلی»

صراط مستقیم مطبوعه سی : مدیر مسئول : اشرف ارباب